



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola XV. Gregorii Papae IX. Ad Archiepiscopvm Bremensem Et
Episcopvm Verdensem. De electione episcopi ecclesiae Zuuerin.

urn:nbn:de:hbz:466:1-15974

regni Angliae, quæ ad præsentationem sacerdotalium pertinent patronorum, auctoritate nostra cuiquam conferantur; nos nuper ex carissimi in Christo filii nostri regis illustris, & nobilium virorum comitum & baronum Angliae, insinuatione comperto, quod quidam regni Angliae miles in ecclesia de Luthunum, Eboracensis diecesis, quam olim cuidam de partibus nostris clero, ignorantes quod præsentatio ad laicum pertineret, contulisse dicimus, ius obtinet patronatus; regis & nobilium eorumdem precibus inclinati, concessionem eamdem auctoritate apostolica reuocantes, venerabili fratri nostro archiepiscopo Eboracensi nostris dedimus literis in mandatis, ut eum, quem dictus miles ad præfatam ecclesiam duxerit præsentandum, admittat & instituat in eamdem, prout pertinet ad eumdem; diuturnitate temporis, cum per ipsum minime steterit, non obstante, dummodo aliud rationabile non obsistat: districtius inhibendo, ne alicui de cetero liceat ecclesiæ regni prædicti, in quibus laici sunt patroni, præter eorum assensum, apostolicæ sedis auctoritate conferre. Datum, &c.

EPISTOLA XV.

GREGORII PAPÆ IX.

AD ARCHIEPISCOPVM BREMENSEM
ET EPISCOPVM VERDENSEM.

De electione episcopi ecclesiæ Zuuerin.

*Gregorius episcopus seruus seruorum Dei venerabilibus fratribus
archiepiscopo Bremensi & episcopo Verdensi salutem
& apostolicam benedictionem.*

Ex parte dilectorum filiorum, decani & capituli Zuuerin. ecclesiæ, propositum fuit coram nobis, quod eadem ecclesia pastoris solatio destituta, episcopi conuenientes in unum, de futuri substitutione pontificis tractaturi, quasi diuinitus inspirati, omnes voto vnanimi & voluntate concordi in dilectum filium, præpositum ipsius ecclesiæ, virum, vt afferunt, scientia præditum, disciplinis ecclesiasticis eruditum, & morum honestate præclarum, per cuius industriam dicta ecclesia, in medio pra-

Concil. Tom. 28.

V u ij

ux & peruersæ nationis posita, posse creditur a suis tribulationibus & angustiis respirare, suæ desideria direxerunt, votis tam cleri quam populi concurrentibus in eumdem. Sed intellecto quod defectum in † natalibus patetur, vtpote de quodam milite soluto genitus & soluta, ad electionem non processerunt ipsius, sed ad nos potius habuere recursum, nobis tam per literas quam per dilectos filios magistrum Elerum Hamburgensem, ac Sibonem Zuuerin. Canonicos nuntios suos, viros prouidos & discretos, qui apud nos super assumpti promotione fideliter institerunt, humiliter supplicantes, vt vtilitate ac necessitate ecclesiæ supradictæ pensatis, supplentes defectum huiusmodi, ipsum eis in patrem & pastorem animarum eorum concedere curaremus, vestris & plurium aliorum tam prælatorum & capitulorum, quam nobilium pro ipso supplicantium, nobis literis praesentatis, qui eum super præmissis reddunt multipliciter commendatum. De vestra igitur circumspectione plenam in Domino fiduciam obtinentes, fraternitati vestra per apostolica scripta mandamus, quatenus de modo postulationis studiis postulantium & postulati meritis, veritate solicite inquisita, si postulationem ipsam alias inuenieritis de persona idonea canonice celebratam, cum eo super huiusmodi defectu auctoritate apostolica dispensantes, præficiatis eum eidem ecclesiæ in episcopum & pastorem, ac faciat eis a subditis Zuuerin. ecclesiæ obedientiam & reuerentiam debitam exhiberi; contradictores, si qui fuerint, vel rebelles per censuram ecclesiasticam, appellatione postposita, compescendo. Alioquin prouideri præfata ecclesiæ de persona idonea per electionem canonicam faciat.

Datum Laterani decimotertio Kalendas Iunii, pontificatus nostri anno quartodecimo.